

MALAYSIA

DEWAN RAKYAT

ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 21 MAC 2012, PUKUL 10.00 PAGI

Bil. 7

PERTANYAAN-PERTANYAAN BAGI JAWAB LISAN

1. PR-1251-L47999

Tuan Liang Teck Meng [Simpang Renggam] minta **MENTERI PERUMAHAN DAN KERAJAAN TEMPATAN** menyatakan apakah tahap harga rumah kos rendah dengan harga RM42,000 masih relevan dengan perkembangan semasa. Berapa jumlah rumah kos rendah di kawasan Simpang Renggam dan nyatakan pembahagian nisbah antara Kerajaan dan swasta.

2. PR-1251-L48343

Tuan Abdullah Sani bin Abdul Hamid [Kuala Langat] minta **MENTERI DALAM NEGERI** menyatakan keberkesanan sistem biometrik untuk pekerja asing yang telah dilancarkan oleh Kerajaan dalam membanteras penyeludupan manusia serta pendaftaran Pendatang Asing Tanpa Izin (PATI) dalam negara.

3. PR-1251-L48967

Dato' Noraini binti Ahmad [Parit Sulong] minta **MENTERI PENERANGAN, KOMUNIKASI DAN KEBUDAYAAN** menyatakan adakah Kementerian bercadang memantau dan mengenakan sekatan ke atas pengguna akaun "Facebook" yang sejak akhir-akhir ini sering kali dicemari dengan penyalahgunaan termasuk kes penceraian, percaduhan serta penyebaran aktiviti subversif, kegiatan tidak bermoral dan perniagaan yang menyalahi undang-undang.

4. PR-1251-L48245

Puan Fong Po Kuan [Batu Gajah] minta **PERDANA MENTERI** menyatakan tahap kesediaan Malaysia mencapai sasaran Wawasan 2020 dan Negara Berpendapatan Tinggi. Nyatakan petunjuk-petunjuknya, jika ya.

5. PR-1251-L47638

Datuk Wira Ahmad bin Haji Hamzah [Jasin] minta **MENTERI KEWANGAN** menyatakan apakah prospek ekonomi negara pada 2012 yang dilihat mencabar dengan kelembapan ekonomi Amerika Syarikat, krisis hutang Eropah dan potensi tekanan inflasi kerana kenaikan harga komoditi dunia, khususnya minyak mentah dan bahan makanan.

6. PR-1251-L47560
Tuan Azan bin Ismail [Indera Mahkota] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan adakah Kerajaan bercadang untuk meneruskan langkah menstrukturkan semula subsidi harga barang-barang keperluan utama rakyat Malaysia setelah tertubuhnya KR1M serta bagaimanakah langkah yang hendak dilaksanakan bagi tujuan menyeragamkan harga-harga tersebut di Semenanjung dengan Sabah dan Sarawak.
7. PR-1251-L48051
Tuan Khairy Jamaluddin [Rembau] minta **MENTERI KEWANGAN** menyatakan sama ada Kerajaan berhasrat mengkaji semula Garis Panduan Amalan Pembiayaan Yang Bertanggungjawab oleh Bank Negara Malaysia, yang mana telah menyebabkan rakyat dan juga industri perbankan, insurans, takaful, automotif serta hartanah mengeluh kerana syarat kelulusan pinjaman yang mesti berasaskan gaji bersih setelah pemotongan wajib dan tanggungan hutang.
8. PR-1251-L47866
Dato' Haji Wan Abd Rahim bin Wan Abdullah [Kota Bharu] minta **MENTERI PERUSAHAAN PERLADANGAN DAN KOMODITI** menyatakan prospek tanaman getah dan kelapa sawit di pasaran dunia menjelang 2020.
9. PR-1251-L47442
Datuk Haji Matulidi bin Haji Jusoh [Dungun] minta **PERDANA MENTERI** menyatakan sejauh manakah model baru pengangkutan awam khususnya bantuan kepada bas berhenti-henti di negara ini dan adakah Kerajaan berhasrat mensubsidi perkhidmatan pengangkutan bas awam di bandar-bandar besar.
10. PR-1251-L48059
Dato' Seri Zahrain Mohamed Hashim [Bayan Baru] minta **MENTERI KERJA RAYA** menyatakan berapakah perolehan kutipan tol dan perbelanjaan penyenggaraan di Jambatan Pulau Pinang sejak ia bermula sehingga tahun 2011 adakah Kerajaan bercadang untuk menamatkan perjanjian konsesi lebih awal.
11. PR-1251-L47473
Datuk Alexander Nanta Linggi [Kapit] minta **MENTERI KESIHATAN** menyatakan apakah ada perancangan untuk menaiktaraf Hospital Kapit dalam jangka masa terdekat ini. Bolehkah Jabatan Kesihatan mewujudkan sebuah unit '*kidney dialysis*' di Klinik Kesihatan Daerah Song memandangkan sekarang ada beberapa orang pesakit buah pinggang yang sangat memerlukan perkhidmatan tersebut di Song.

12. PR-1251-L48614
Dr. Hiew King Cheu [Kota Kinabalu] minta **PERDANA MENTERI** menyatakan jumlah kawasan yang ditanam dengan kelapa sawit di bawah FELDA di Sabah, dan jumlah pengeluaran minyak sawit dari kawasan-kawasan ini, dan cara bagaimana FELDA memberi manfaat kepada rakyat Sabah.
13. PR-1251-L47548
Tuan Ding Kuong Hiing [Sarikei] minta **MENTERI PELAJARAN** menyatakan adakah Kementerian bercadang menaiktaraf Institut Pendidikan Guru Kampus Rajang di Meradong kepada taraf Kolej Universiti/Universiti. Nyatakan juga cadangan dan perancangan Kementerian meningkatkan kualiti pendidikan di negeri Sarawak khasnya Zon Tengah.
14. PR-1251-L47522
Tuan Charles Anthony A/L R.Santiago [Klang] minta **MENTERI SUMBER MANUSIA** menyatakan mengapa aduan NUBE di bawah Seksyen 8 Akta Perhubungan Perusahaan pada Oktober 2011 dan bantuan yang dimohon oleh NUBE (24 Oktober, 2011) tidak diambil tindakan oleh Kementerian sehingga dua pegawai NUBE Maybank dipecat.
15. PR-1251-L48714
Dato' Haji Ismail Bin Haji Mohamed Said [Kuala Krau] minta **PERDANA MENTERI** menyatakan bilakah Kerajaan akan membentang Rang Undang-Undang Murtad di Dewan Rakyat yang mulia ini.
16. PR-1251-L48426
Dr. Tan Seng Giaw [Kepong] minta **MENTERI SUMBER ASLI DAN ALAM SEKITAR** menyatakan keluasan hutan simpan dan bukan simpan di seluruh negara. Apakah keberkesanan penguatkuasaan untuk mencegah pembalakan haram.
17. PR-1251-L47282
Datuk Bung Moktar Bin Radin [Kinabatangan] minta **MENTERI KEMAJUAN LUAR BANDAR DAN WILAYAH** menyatakan :-
 - (a) jumlah perbelanjaan Kerajaan dalam menaiktaraf jalan luar bandar di Sabah khasnya daerah Kinabatangan; dan
 - (b) adakah Kementerian bercadang menaiktaraf jalan luar bandar seperti Kg. Keramuak, Bangkulat-Mangkawagu, Kg. Sinar Jaya, Kg. Suan Lamba, Kg. Balat dan Kg. Kuamut.

18. PR-1251-L49144

Tuan Chong Chieng Jen [Bandar Kuching] minta **MENTERI PELAJARAN** menyatakan mengapa pada Januari 2012, 607 Guru Sambilan Harian (GSH) di Sarawak dihentikan perkhidmatan mereka dengan serta-merta. Adakah pampasan dibayar kepada mereka atas penamatkan kontrak mereka. Kenapa hanya 349 guru interim dilantik untuk mengisi kekosongan yang diwujudkan oleh penghentian kontrak mereka.

19. PR-1251-L48480

Tuan Haji Mohd Nor bin Othman [Hulu Terengganu] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan bilangan Kedai Runcit 1Malaysia di seluruh negara serta nyatakan prestasi perniagaan keseluruhan kedai-kedai runcit ini setelah mengikuti program tersebut dan sejauh manakah ia dapat mengatasi masalah kenaikan harga barang keperluan.

20. PR-1251-L47695

Tuan Haji Ahmad bin Kasim [Kuala Kedah] minta **PERDANA MENTERI** menyatakan tentang isu pembinggiran usahawan Bumiputera yang dibangkitkan oleh Majlis Tindakan Ekonomi Melayu (MTEM) yang melibatkan Unit Pengurusan Prestasi dan Pelaksanaan (PEMANDU) semasa menggubal Inisiatif Pembaharuan Strategik (SRI) berlandaskan Model Baru Ekonomi (MBE) yang dilaksanakan menerusi 12 makmal Program Transformasi Ekonomi (ETP).

21. PR-1251-L47200

Datuk Dr. Marcus Mojigoh [Putatan] minta **MENTERI PERDAGANGAN ANTARABANGSA DAN INDUSTRI** menyatakan :-

(a) jumlah pelaburan langsung asing (Foreign Direct Investment) di Malaysia tahun 2011; dan

(b) apakah faktor-faktor yang menyebabkan minat pelabur asing ini melabur di Malaysia.

22. PR-1251-L47850

Dato' Ibrahim bin Ali [Pasir Mas] minta **PERDANA MENTERI** menyatakan apakah Kerajaan bercadang meminda undang-undang Suruhanjaya Pencegahan Rasuah Malaysia (SPRM) bagi memberi kuasa penuh kepada SPM untuk mendakwa kes rasuah bagi memastikan tiada kes ditolak seperti cadangan oleh Transparency International (TI) Malaysia.

23. PR-1251-L47837

Datuk Hajah Norah binti Abd Rahman [Tanjung Manis] minta **MENTERI KEMAJUAN LUAR BANDAR DAN WILAYAH** menyatakan:-

- (a) sama ada Kementerian dapat membaiki paip-paip air dari Sarikei ke kampung-kampung di Tanjung Manis dengan segera kerana mengalami kebocoran yang amat teruk sejak sekian lama; dan
- (b) memandangkan tekanan air terlalu rendah dan air tidak mencukupi, sama ada Kementerian dapat menyediakan bajet untuk menyambung paip dari Sibu ke Tanjung Manis, Paloh sehingga ke Pulau Brui.

24. PR-1251-L48856

Dato' Haji Mahfuz bin Omar [Pokok Sena] minta **PERDANA MENTERI** menyatakan apakah status jawatan Encik Abidin Abdul Rahman, Timbalan Pengarah Besar FELDA dan kenapakah beliau dipindahkan ke Perpustakaan JPM.

25. PR-1251-L48963

Datuk Dr Tekhee @ Tiki anak Lafe [Mas Gading] minta **MENTERI KEMAJUAN LUAR BANDAR DAN WILAYAH** menyatakan apakah status perlaksanaan Jalan Kendaie di Daerah Lundu, Sarawak yang dilaporkan telah diluluskan tetapi setakat ini belum dilaksanakan.

26. PR-1251-L48287

Dato' Kamarudin Bin Jaffar [Tumpat] minta **PERDANA MENTERI** menyatakan kenapakah wakil CEUPACS tidak dilibat dalam penyediaan SBPA (Skim Saraan Baru Perkhidmatan Awam) sehingga timbul pelbagai masalah apabila diumumkan.

27. PR-1251-L47928

Datuk Mohd Nasir bin Ibrahim Fikri [Kuala Nerus] minta **MENTERI PERTANIAN DAN INDUSTRI ASAS TANI** menyatakan berapakah jumlah bantuan atau subsidi yang diberikan kepada golongan nelayan di negara ini dan sejauh mana ia telah memberi kesan kepada peningkatan hasil tangkapan.

28. PR-1251-L48703

Tuan Chua Tian Chang [Batu] minta **PERDANA MENTERI** menyatakan :-

- (a) jumlah pemilih terkini berbanding tahun 2008 dan pemilih pos mengikut kawasan Parlimen; dan
- (b) berapakah jumlah pendaftaran pemilih baru dan pertukaran tempat mengundi mengikut parti politik bagi tahun 2009 hingga 2011.

29. PR-1251-L47191

Tuan Teng Boon Soon [Tebrau] minta **MENTERI LUAR NEGERI** menyatakan apakah hasilnya Persidangan Antarabangsa Gerakan Kesederhanaan Global. Bagaimana penubuhan institusi kesederhanaan negara dan tabung kesederhanaan antarabangsa akan memanfaatkan Malaysia.

30. PR-1251-L48559

Tuan Er Teck Hwa [Bakri] minta **MENTERI DALAM NEGERI** menyatakan Ahli Parlimen dan Ahli Dewan Undangan Negeri di setiap negeri yang memiliki lesen senjata api dari tahun 2002 ke 2012 berdasarkan pecahan tahunan. Senaraikan:-

(a) nama wakil rakyat yang tersebut; dan

(b) nama wakil rakyat di mana lesen tersebut ditarik balik dan alasannya.

31. PR-1251-L49000

Datuk Haji Baharum Bin Mohamed [Sekijang] minta **PERDANA MENTERI** menyatakan dengan kenaikan elauan RELA baru-baru ini, adakah Kerajaan bercadang untuk memberikan kenaikan yang sama bagi badan-badan sukarela yang lain seperti Jabatan Pertahanan Awam Malaysia (JPAM) dan pasukan Askar Wataniah.

32. PR-1251-L49013

Dr. Michael Jeyakumar Devaraj [Sungai Siput] minta **MENTERI TENAGA, TEKNOLOGI HIJAU DAN AIR** menyatakan kadar tarif elektrik untuk kegunaan domestik, perniagaan dan perindustrian dari tahun 1990 hingga sekarang.

33. PR-1251-L47766

Dato' Sri Haji Zulhasnan bin Rafique [Setiawangsa] minta **PERDANA MENTERI** menyatakan tahap keberkesanan MIGHT dan agensi-agensi pelaksana pembangunan teknologi tinggi dan inovasi di dalam mengerakkan dasar pemodenan industri negara pada waktu ini dan apakah strategi Kerajaan dalam memastikan tahap teknologi dan inovasi negara berkembang pada tahap yang maksima.

34. PR-1251-L47725

Dato' Sri Ir. Mohd Zin bin Mohamed [Sepang] minta **MENTERI PENGANGKUTAN** menyatakan jumlah kenderaan yang didaftarkan di negara ini dan adakah Kerajaan bercadang mengehadkan bilangan kenderaan yang boleh dijual atau dimiliki setiap individu seperti dilakukan di beberapa negara maju bagi mengurangkan kesesakan jalan raya dan menjaga alam sekitar

35. PR-1251-L48439
Dato' Sri Datuk Azalina binti Dato' Othman Said [Pengerang] minta **PERDANA MENTERI** menyatakan apakah langkah dan kaedah yang diambil berhubung masalah yang dibangkitkan berkenaan lebih 3.73 juta rakyat negara ini yang berumur 21 tahun ke atas dan masih belum mendaftar dengan Suruhanjaya Pilihanraya sebagai pemilih.
36. PR-1251-L48265
Tuan Kamalanathan a/l Panchanathan [Hulu Selangor] minta **MENTERI PERUSAHAAN PERLADANGAN DAN KOMODITI** menyatakan sehingga kini syarikat-syarikat Perladangan Kelapa Sawit yang telah melabur di luar negara dalam penanaman kelapa sawit dan apakah insentif dan juga bantuan-bantuan yang disalurkan kepada mereka untuk membantu mereka.
37. PR-1251-L47973
Tuan Manogaran a/l Marimuthu [Telok Intan] minta **MENTERI WILAYAH PERSEKUTUAN DAN KESEJAHTERAAN BANDAR** menyatakan terdapat kekurangan padang serta tempat bersenam dan melakukan aktiviti sukan di keseluruhan Kuala Lumpur. Ini kerana kebanyakan padang-padang telah digunakan bagi tujuan pembangunan seperti mendirikan bangunan komersial serta kondominium. Apakah tindakan yang akan diambil oleh Kementerian untuk memastikan warga kota disediakan dengan padang dan tempat bersenam untuk melakukan aktiviti sukan demi kepentingan kesihatan serta mendorong anak-anak muda bersukan.
38. PR-1251-L47861
Puan Chong Eng [Bukit Mertajam] minta **PERDANA MENTERI** menyatakan :-
- jumlah pegawai penyelaras yang telah dilantik selepas Pilihanraya Umum ke-12 mengikut pecahan gender. Nyatakan jumlah kewangan yang terlibat; dan
 - jumlah JKKP yang dilantik dan jumlah kewangan yang terlibat.
39. PR-1251-L48365
Puan Siti Zailah binti Mohd. Yusoff [Rantau Panjang] minta **MENTERI KEWANGAN** menyatakan tentang banyak isu-isu yang membabitkan ketirisan wang negara dalam projek Kerajaan serta sejauh mana tindakan Kerajaan dalam membanteras penyalahgunaan wang dan kuasa sebagaimana Laporan Ketua Audit Negara.
40. PR-1251-L48451
Puan Nurul Izzah Binti Anwar [Lembah Pantai] minta **PERDANA MENTERI** menyatakan :-
- adakah Kerajaan bersedia untuk menetapkan PETRONAS menyertai "Extractive Industries Transparency Initiative" dan jika tidak apakah sebabnya.; dan

- (b) adakah cadangan untuk meminda Akta Pembangunan Petroleum 1974 untuk membolehkan PETRONAS membentangkan laporan terus ke Parlimen.
41. PR-1251-L49074
Tuan Muhammad bin Husain [Pasir Puteh] minta **MENTERI PERUSAHAAN PERLADANGAN DAN KOMODITI** menyatakan jenis-jenis tanaman baru yang dijangka akan menjadi penyumbang kepada komoditi negara pada masa depan.
42. PR-1251-L47234
Datuk Siringan bin Gubat [Ranau] minta **MENTERI DALAM NEGERI** menyatakan berapa bilangan sebenar pemegang kad pengenalan baru terutama sekali di Sabah yang beragama Kristian tetapi tercatat Islam sebagai agama mereka disebabkan pemohon yang menggunakan 'bin' dan 'binti' dalam surat beranak mereka. Kenapa kesilapan ini berlaku dan bagaimana cara memperbaikinya dengan senang dan cepat yang tidak membebankan kepada mereka yang terlibat.
43. PR-1251-L47265
Dato' Ismail bin Kasim [Arau] minta **MENTERI PENGAJIAN TINGGI** menyatakan berapakah jumlah peruntukan yang telah disalurkan kepada para pelajar Institusi-institusi Pengajian Tinggi di seluruh negara melalui baucer Pembelian Buku.
44. PR-1251-L48274
Dato' Sri Ong Tee Keat [Pandan] minta **MENTERI PERTANIAN DAN INDUSTRI ASAS TANI** menyatakan jumlah nilai barang tani/makanan yang diimport dan dieksport bagi tahun 2008 hingga 2011. Sila nyatakan sebabnya BERNAS masih diberi monopoli untuk mengimpor beras. Berapakah jumlah nilai dan 'tonnage' pengimporan beras BERNAS dalam tempoh 2008 hingga 2011.
45. PR-1251-L48775
Dato' Haji Ismail Bin Haji Abd. Muttalib [Maran] minta **MENTERI BELIA DAN SUKAN** menyatakan apakah ada kerjasama antara pihak Kementerian Kesihatan bagi memastikan atlet-atlet negara tidak terjebak dalam pengambilan pil-pil perangsang yang tidak dibenarkan. Sepanjang tempoh sepuluh (10) tahun berapakah kes yang melibatkan atlet-atlet negara dalam pengambilan pil-pil perangsang.
46. PR-1251-L48193
Dr. Siti Mariah Binti Mahmud [Kota Raja] minta **MENTERI DALAM NEGERI** menyatakan apakah hasil siasatan dan tindakan susulan pihak PDRM mengenai dua peristiwa serangan kumpulan samseng ke atas majlis ceramah pro Pakatan Rakyat di daerah Klang (Jalan Kebun dan Kg Idaman) dalam bulan Januari dan Februari 2012.

47. PR-1251-L47984

Tuan Hee Loy Sian [Petaling Jaya Selatan] minta **MENTERI KEWANGAN** menyatakan :-

- (a) apakah rasional Kementerian menggunakan sejumlah RM15 bilion dari simpanan KWSP untuk melabur dalam skim khas pembelian rumah di bawah Program Perumahan Rakyat-Majlis Bertindak Ekonomi Negara (PPR-MTEN) dan Perumahan Awam Dewan Bandaraya Kuala Lumpur; dan
- (b) apakah jaminan pulangan kepada KWSP supaya kepentingan ahli-ahli KWSP terpelihara.

48. PR-1251-L48671

Puan Tan Ah Eng [Gelang Patah] minta **MENTERI PEMBANGUNAN WANITA, KELUARGA DAN MASYARAKAT** menyatakan :-

- (a) jumlah peruntukan kewangan yang disalurkan oleh Kementerian kepada badan kebajikan, rumah warga emas dan rumah anak yatim; dan
- (b) jumlah badan kebajikan yang berdaftar dengan Kementerian.

49. PR-1251-L47670

Dato' Paduka Abu Bakar Bin Taib [Langkawi] minta **MENTERI PERTANIAN DAN INDUSTRI ASAS TANI** menyatakan :-

- (a) memandangkan pusat pendaratan tuna di Batu Maung Pulau Pinang tidak beroperasi, adakah Kerajaan bercadang untuk menggunakan tempat lain bagi pendaratan ikan tuna; dan
- (b) nyatakan prestasi projek ternakan ikan dan udang yang dijalankan oleh LKIM. Adakah pemantauan dibuat.

50. PR-1251-L48162

Puan Hajah Nancy binti Haji Shukri [Batang Sadong] minta **MENTERI LUAR NEGERI** menyatakan apakah perancangan pelan tindakan Malaysia selanjutnya selepas penganjuran Global Movement of the Moderates dirasmikan pada bulan Januari yang lepas.

51. PR-1251-L47496

Datuk Eric Enchin Majimbun [Sepanggar] minta **MENTERI KEWANGAN** menyatakan jumlah pinjaman Kerajaan di luar negara dan institusi kewangan dalam negara termasuk Kumpulan Wang Simpanan Pekerja (KWSP) dan bentuk serta kadar nilai untuk membayar balik pinjaman tersebut.

52. PR-1251-L47622
Dato' Haji Abd Rahman bin Dahlan [Kota Belud] minta **MENTERI KEMAJUAN LUAR BANDAR DAN WILAYAH** menyatakan senarai projek dan nilai peruntukan setiap satu di bawah Kementerian yang akan dilaksanakan di Kota Belud untuk RMK-10.
53. PR-1251-L48190
Tuan Nga Kor Ming [Taiping] minta **MENTERI PENGAJIAN TINGGI** menyatakan apakah rancangan dan langkah konkrit yang diambil oleh Kerajaan untuk membina sebuah universiti di Taiping dan membaik semula Pasar Awam Taiping yang merupakan warisan sejarah.
54. PR-1251-L48452
Tuan Loke Siew Fook [Rasah] minta **MENTERI PELAJARAN** menyatakan berapa dan bila peruntukan untuk pembinaan semula bangunan sekolah SJKC Ladang Hillside, Jalan Labu, Seremban akan disalurkan kepada pihak sekolah dan dilaksanakan.
55. PR-1251-L48477
Dato' Shamsul Anuar bin Nasarah [Lenggong] minta **MENTERI DALAM NEGERI** menyatakan :-
- (a) apakah usaha meningkatkan tahap dan kualiti perkhidmatan polis di luar bandar; dan
 - (b) kenapa Malaysia menjadi tempat tumpuan pengedaran dadah terutama daripada Iran dan apakah langkah-langkah dan tahap keselamatan bagi mengatasi masalah ini.
56. PR-1251-L48584
Tuan Wong Ho Leng [Sibu] minta **PERDANA MENTERI** menyatakan :-
- (a) usaha dan kejayaan program Permata di Sarawak; dan
 - (b) sumbangan isteri YAB Perdana Menteri, Datin Seri Rosmah Mansor, terhadap kemajuan wanita di Sarawak sedangkan beliau telah dikurniakan Ijazah kehormat Doktor Falsafah dari Universiti Curtin.
57. PR-1251-L47239
Datuk Seri Panglima Wilfred Mojilip Bumburing [Tuaran] minta **MENTERI DALAM NEGERI** menyatakan menjelaskan sejauh manakah siasatan ke atas isu National Feedlot Corporation.
58. PR-1251-L47575
Tuan Salleh bin Kalbi [Silam] minta **MENTERI KESIHATAN** menyatakan mengapakah hospital-hospital Kerajaan memerlukan masa yang lebih lama berbanding hospital swasta untuk mengenal pasti jenis penyakit yang dihadapi pesakit walaupun pemeriksaan penuh telah dilakukan doktor pakar.

59. PR-1251-L48632

Tuan Karpal Singh [Bukit Gelugor] minta **MENTERI DALAM NEGERI** menyatakan untuk memberitahu Dewan bilangan warga asing di dalam penjara di negara ini yang sedang menunggu perbicaraan bagi kesalahan-kesalahan yang disabitkan dengan hukuman mati (*capital offences*) setakat 31hb Januari, 2012 mengikut kewarganegaraan.

60. PR-1251-L48976

Tuan Lim Lip Eng [Segambut] minta **MENTERI KEWANGAN** menyatakan statistik pembeli rumah melalui pinjaman Skim Rumah Pertamaku sejak pelancarannya pada Mac 2011 mengikut nama bank yang memberikan pinjaman dan bangsa peminjam.

61. PR-1251-L48532

Dato' Ngeh Koo Ham [Beruas] minta **MENTERI PELAJARAN** menyatakan sama ada janji Kerajaan untuk membayai 50% kos pembangunan bangunan sekolah untuk Sekolah Bantuan modal masih dilaksanakan. Kenapa ia tidak dilaksanakan untuk bangunan baru Sekolah Menengah Methodist, Ayer Tawar dan Sekolah Min Te (C), Ayer Tawar yang menyiapkan satu blok bangunan sekolah masing-masing dalam tahun 2011.

62. PR-1251-L49116

Datuk Halimah binti Mohd Sadique [Tenggara] minta **MENTERI DALAM NEGERI** menyatakan sejauh manakah dasar baru Kerajaan yang membenarkan migran yang menjadi mangsa eksloitasi pekerjaan ditempatkan di rumah perlindungan dan seterusnya dibenarkan untuk bekerja di Malaysia selepas dibebaskan mampu menambah baik perlindungan mangsa eksloitasi pekerjaan di negara ini.

63. PR-1251-L47601

Dato' Zulkifli bin Noordin [Kulim Bandar Baru] minta **MENTERI DALAM NEGERI** menyatakan :-

(a) apakah status dan tindakan yang telah diambil berkaitan memorandum Persatuan Bekas Polis Malaysia (PBPM) berkaitan isu pemulihan kepimpinan PBPM memandangkan ianya sudah berlarutan lebih 6 tahun; dan

(b) apakah langkah-langkah yang diambil untuk memulihkan dan menambah baik kuarters, surau, jalan dan lain-lain di Pengkalan FRU 5, Ipoh, Perak yang kelihatan terlalu uzur dan terbiar.

64. PR-1251-L48373

Tuan Lim Kit Siang [Ipoh Timur] minta **MENTERI KEWANGAN** menyatakan sama ada projek MRT mampan dari segi kewangan, berikan alasan-alasan, dan sama ada model MTR Hong Kong merupakan model yang digunakan oleh Kerajaan untuk membiayai projek MRT menerusi pengambilalihan dan membangun tanah-tanah yang telah diduduki, dan jika tidak, apakah model yang digunakan.

65. PR-1251-L48893

Dato' Seri Anwar bin Ibrahim [Permatang Pauh] minta **PERDANA MENTERI** menyatakan komitmen Kerajaan terhadap permintaan Suruhanjaya Pencegahan Rasuah Malaysia (SPRM) agar salinan pengisytiharan harta semua anggota Pentadbiran termasuk ahli-ahli keluarga mereka juga dikemukakan kepada SPM serta cadangan supaya pengisytiharan harta hakim-hakim dikemukakan kepada Suruhanjaya Perlantikan Kehakiman.

66. PR-1251-L48327

Datuk Wee Jeck Seng [Tanjung Piai] minta **MENTERI DALAM NEGERI** menyatakan langkah-langkah untuk membasmikan kecurian tanaman tempatan seperti kelapa sawit yang semakin serius pada masa kini.

67. PR-1251-L48929

Puan Teo Nie Ching [Serdang] minta **PERDANA MENTERI** menyatakan jumlah kakitangan Kerajaan dan daripadanya, berapa banyak adalah terdiri daripada golongan OKU.

ATURAN URUSAN MESYUARAT DAN USUL-USUL

1. **Usul dibuat oleh Yang Berhormat Dato' Lilah bin Yasin (Jempol)** dan masalah dicadangkan :-

“ Bahawa suatu ucapan yang tidak seperti dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersempahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Seri Paduka Baginda semasa membuka Penggal Kelima, Parlimen Yang Kedua Belas.”

Menyambung semula Perbahasan atas masalah (20 Mac, 2012)

- | | | |
|-------------------|--|-----------------------------------|
| 2. (D.R. 44/2011) | Rang Undang-undang Pembayaran dan
Adjuksi Industri Pembinaan 2011 | Bacaan Kali
Yang Kedua |
| | [Kementerian Kerja Raya] | |
| 3. (D.R. 1/2012) | Rang Undang-undang Pengantaraan 2012 | “ |
| | [Menteri di Jabatan Perdana Menteri] | |
| 4. (D.R. 2/2012) | Rang Undang-undang Institut Penyelidikan
Keselamatan Jalan Raya Malaysia 2012 | “ |
| | [Kementerian Pengangkutan] | |
| 5. (D.R. 37/2009) | Rang Undang-undang Cukai Barang dan
Perkhidmatan 2009 | “ |
| | [Kementerian Kewangan] | |
| 6. PR-1251-U47225 | Datuk Dr. Marcus Mojigoh [Putatan] akan mencadangkan:- | |

"Bahawa Dewan ini mengambil maklum bahawa oleh kerana fenomena pemanasan global cuaca pada hari ini tidak lagi dapat diramal malah kejadian banjir kilat berlaku kian kerap." Dan megambil maklum bahawa keadaan sungai yang telah menjadi cetepek disebabkan oleh aktiviti alam semulajadi dan aktiviti manusia telah memburukkan lagi keadaan ini.

Dan mengambil maklum juga kebanyakan sungai-sungai tidak disenggara dengan baik dan ini juga menyumbang kepada berlakunya banjir dan banjir kilat. Juga mengambil maklum bahawa, setiap kali banjir dan banjir kilat berlaku, terutama sekali di kawasan Putatan, maka setiap kali juga ianya mendatangkan kesengsaraan dan kerugian harta benda kepada rakyat. Maka dengan ini Dewan hendaklah mengambil ketetapan untuk meminta Kerajaan, melalui Kementerian Sumber Asli dan Alam Sekitar untuk mengambil tindakan serta merta untuk memulihkan dan memperdalamkan sungai-sungai yang terdapat dikawasan Parlimen Putatan supaya kejadian banjir dan banjir kilat dapat dielakkan."

(Menteri Sumber Asli dan Alam Sekitar)

7. PR-1251-U47226

Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa hubungan diplomatik Malaysia - Indonesia kerap kali berada dalam keadaan panas." Dan mengambil maklum bahawa "keadaan panas" ini memburukkan lagi oleh hasutan pihak-pihak tertentu sama ada dari Malaysia ataupun Indonesia. Dan mengambil maklum juga bahawa "keadaan panas" ini juga diburukkan lagi dengan isu-isu rentas sempadan, misalnya pertindihan sempadan, pencorobohan nelayan kedua-dua belah pihak dan lain-lain lagi isu. Maka dengan ini Dewan hendaklah mangambil ketetapan untuk meminta Kerajaan, bahawa mengatasi "keadaan panas" ini, satu jawatankuasa khas antara Parlimen Malaysia dan dewan perwakilan rakyat Republik Indonesia hendaklah ditubuhkan untuk menguruskan semula hal-hal yang boleh mengeratkan lagi hubungan dua-hala Malaysia-Indonesia."

(Menteri Luar Negeri)

8. PR-1251-U47227

Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa pada masa ini, negara banyak bergantung dengan bekalan beras import bagi keperluan bekalan beras negara." Dan mengambil maklum bahawa ada kalanya bekalan ini terjejas apabila negara pembekal menghadapi bencana alam misalnya negara Thailand dan Vietnam yang dilanda banjir baru-baru ini dimana kebanyakan jelapang padi mereka musnah. Dan mengambil maklum juga bahawa dinegeri Sabah amnya dan kawasan Parlimen Putatan khasnya, terdapat banyak tanah sawah-sawah padi yang terbiar yang mempunyai potensi untuk dibangunkan.

Juga mengambil maklum bahawa, kebanyakannya pemilik tanah sawah terbiar ini adalah dahulunya pesawah-pesawah padi dan ketika ini kebanyakannya sawah-sawah mereka ini tidak lagi diusahakan kerana pemilik tadi telah pun menjangkau usia lanjut dan tidak lagi bertenaga untuk mengusahakan sawah-sawah mereka. Juga mengambil maklum bahawa, sekiranya pemilik-pemilik sawah terbiar tadi dapat disatukan dalam koperasi, maka tanah sawah tadi boleh dibangunkan dan dapat menyumbangkan kepada pengurangan import beras negara. Maka dengan ini Dewan hendaklah mengambil ketetapan untuk meminta Kerajaan, bahawa Kerajaan mencari mekanisma khusus untuk menubuhkan koperasi khas dengan pemilik tanah sawah yang maksudkan supaya ianya bukan sahaja dapat menghasilkan beras keperluan negara, malah boleh meningkatkan ekonomi penduduk setempat melalui keuntungan yang dijana melalui koperasi itu kelak."

(Menteri Pertanian dan Industri Asas Tani)

9. PR-1251-U47228

Datuk Dr. Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kebanyakkan pelajar yang cemerlang dalam mana-mana peperiksaan persekolahan dinegara ini adalah datangnya dari kalangan murid yang berkeluarga mampu atau lebih jelas lagi mereka yang mampu untuk menghantar anak-anak mereka ke kelas bimbingan atau tuisyen." Dan mengambil maklum bahawa, sementara kebanyakannya mereka yang kurang cemerlang atau terkandas dalam mana-mana peperiksaan persekolahan adalah dari kalangan mereka yang kurang dan tidak berkemampuan atau lebih jelas lagi dari kalangan keluarga miskin. Dan mengambil maklum juga bahawa kebanyakannya murid-murid yang terkandas ini juga berpotensi untuk cemerlang sekiranya mereka diberikan ruang dan peluang yang secukupnya terutama sekali dari segi sokongan pembelajaran. Juga mengambil maklum bahawa, oleh kerana kemiskinan yang dilalui, kebanyakannya murid-murid yang kurang cemerlang dan yang terkandas ini tidak mempunyai tempat belajar yang sesuai untuk pembelajaran di rumah mereka. Serta mengambil maklum juga bahawa, masih terdapat banyak rakyat Malaysia yang prihatin dan sanggup melakukan kerja-kerja kesukarelaan dan dalam hal pembelajaran ini, ada juga antara mereka yang sanggup untuk menjadi tutor secara percuma demi untuk kecermelangan kampung masing-masing. Kekangan program komuniti ini adalah ketiadaan tempat untuk belajar. Maka dengan ini Dewan hendaklah mengambil ketetapan untuk meminta Kerajaan melalui Kementerian Kemajuan Luar Bandar dan Wilayah untuk mendirikan balai raya khusus - Pusat Pembelajaran disetiap kampung dan diuruskan oleh pihak JKKK dimana murid-murid dari kampung setempat itu boleh menyiapkan kerja rumah dan ulang kaji di pusat pembelajaran yang dimaksudkan tersebut."

(Menteri Kemajuan Luar Bandar dan Wilayah)

10. PR-1251-U48413

Dr. Tan Seng Giaw [Kepong] akan mencadangkan:-

"Bahawa Dewan ini membahaskan pelbagai subsidi yang telah dihulurkan oleh Kerajaan Pusat setiap tahun. Dewan juga mendebatkan pembaziran dan penyelewengan yang disyaki berlaku dengan berpuluhan bilion ringgit yang diperuntukkan."

(Menteri Kewangan)

11. PR-1251-U48414

Dr. Tan Seng Giaw [Kepong] akan mencadangkan:-

"Bahawa Dewan ini membincangkan berbagai-bagi faktor yang kena-mengena dengan kira-kira 400,000 guru di negara ini. Bahawa Dewan ini juga meneliti cara-cara pengambilan para calon di institusi perguruan dan penghantaran para graduannya kepada hampir 10,000 sekolah."

(Menteri Pelajaran)

12. PR-1251-U47503

Datuk Eric Enchin Majimbun [Sepanggar] akan mencadangkan:-

"Bahawa Dewan ini mengambil ketetapan dengan seriusnya mengenai fakta-fakta peristiwa untuk bahan sejarah dan bukan hanya sebagai rekod sejarah tetapi amat penting untuk dijadikan mata pelajaran di sekolah supaya generasi muda mendapat pengetahuan/fakta-fakta yang betul. Contohnya seperti fakta penubuhan negara Malaysia yang sesuguhnya bukanlah kemasukan Sabah dan Sarawak dalam Malaysia pada 16 September 1963, tokoh pejuang seperti Mat Salleh dan peristiwa tragedi naas kapal terbang terhempas pada 6 Jun 1976 yang mengorbankan Ketua Menteri dan beberapa orang Menteri Kabinet Sabah."

(Menteri Penerangan, Komunikasi dan Kebudayaan)

13. PR-1251-U47504

Datuk Eric Enchin Majimbun [Sepanggar] akan mencadangkan:-

"Bahawa Dewan ini memandang serius dengan rampasan-rampasan tanah di seluruh negara khasnya di Sabah oleh pihak-pihak tertentu bagi perusahaan pertanian sehingga hasil pendapatan tanaman dan rumah kediaman rakyat yang mempunyai hak asasi anak negeri di Sabah telah dirampas tanpa pertimbangan dan paling menyukarkan rakyat apabila pihak-pihak tertentu tersebut dibantu oleh penguat kuasa Kerajaan."

(Menteri Sumber Asli dan Alam Sekitar)

14. PR-1251-U47505

Datuk Eric Enchin Majimbun [Sepanggar] akan mencadangkan:-

"Bahawa Dewan yang mulia ini memandang serius terhadap pembinaan rumah-rumah bertingkat (PPR) dengan jumlah yang besar sehingga melebihi 1,000 unit di satu-satu tempat tanpa penyediaan keperluan asas seperti bekalan air, elektrik dan jalan raya serta kesesuaian lokasinya. Kerajaan seharusnya mengambil tindakan serius agar sosial, budaya dan adat resam rakyat tidak diketepikan serta kesihatan dan keselamatan haruslah dipertingkatkan."

(Menteri Perumahan dan Kerajaan Tempatan)

15. PR-1251-U47506

Datuk Eric Enchin Majimbun [Sepanggar] akan mencadangkan:-

"Bahawa Dewan ini mengambil perhatian serius dengan peningkatan penduduk yang luar biasa di Sabah bermula pada tahun 1970 hingga 2010 berbanding dengan kepadatan penduduk di seluruh negara khasnya negeri jiran di Sarawak di mana statistik pertumbuhan penduduk yang diperoleh, melalui jawapan dari Jabatan Perdana Menteri pada 16 Mac 2011 adalah seperti berikut:

Tahun	Malaysia	Sarawak	Sabah
1970	10,439,430	976,269	636,431
1980	13.1 juta	1.2 juta	1,011,040
1991	17.6 juta	1.6 juta	1,734,685
2000	22,202,614	2,012,616	2,488,348
2010	27,565,821	2,420,009	3,120,040
Kenaikan	17,126,391	1,433,740	2,483,609
Kenaikan %	165%	148%	390%

(40 tahun) Maka itu, kenaikan penduduk yang melambung tinggi di Sabah tentunya ada punca dan sebab yang sangat luar biasa jika dibandingkan dengan negeri Sarawak yang mempunyai bentuk keadaan geografinya agak mencabar berbanding dengan Sabah."

(Perdana Menteri)

16. PR-1251-U47831

Tuan Fong Kui Lun [Bukit Bintang] akan mencadangkan:-

"Bahawa Dewan yang mulia ini bersetuju supaya Kerajaan melaksanakan pengalihan jajaran MRT dari Jalan Sultan ke jajaran Stesen Pasar Seni ke Plaza Rakyat melalui Jalan Tan Cheng Lock memandangkan ianya akan menyelamatkan bangunan-bangunan lama di Jalan Sultan, Kuala Lumpur dari dirobohkan supaya dijadikan bangunan warisan, dan boleh memulihkan Plaza Rakyat yang terbengkalai masakini untuk dijadikan hab pengangkutan awam."

(Perdana Menteri)

17. PR-1251-U47832

Tuan Fong Kui Lun [Bukit Bintang] akan mencadangkan:-

"Bahawa Dewan yang mulia ini bersetuju pilihan raya Kerajaan Tempatan hendaklah dipulihkan semula termasuk permilihan Datuk-datuk Bandar bagi memenuhi hasrat dan inspirasi rakyat untuk memilih Kerajaan Tempatan sendiri."

(Menteri Perumahan dan Kerajaan Tempatan)

18. PR-1251-U47745

Tuan Kulasegaran A/L Murugeson [Ipoh Barat] akan mencadangkan:-

"Bahawa Dewan ini hendaklah mengambil maklum dan menggesa Menteri Sumber Manusia untuk menetapkan gaji minimum dengan segera"."

(Menteri Sumber Manusia)

19. PR-1251-U47751

Tuan Kulasegaran A/L Murugeson [Ipoh Barat] akan mencadangkan:-

"Bahawa Dewan ini hendaklah mengambil maklum dan menggesa Menteri Pelajaran mengambil tindakan dengan segera membina enam buah sekolah baru yang telah diumumkan oleh Perdana Menteri baru-baru ini dan juga mengambil tindakan untuk meluluskan dan mendirikan sekolah baru Tamil dan Cina di bandar-bandar."

(Menteri Pelajaran)

20. PR-1251-U47366

Tuan Mohsin Fadzli bin Haji Samsuri [Bagan Serai] akan mencadangkan:-

"Bahawa Dewan ini mengkaji serta membinaan parkir bertingkat di kesemua kawasan hospital yang memerlukan seperti Hospital Kajang, Serdang."

(Menteri Kesihatan)

21. PR-1251-U47368

Tuan Mohsin Fadzli bin Haji Samsuri [Bagan Serai] akan mencadangkan:-

"Bahawa Dewan ini mengkaji serta membina parkir bertingkat di Putrajaya di kawasan pejabat-pejabat Kerajaan."

(Menteri Wilayah Persekutuan dan Kesejahteraan Bandar)

22. PR-1251-U47369

Tuan Mohsin Fadzli bin Haji Samsuri [Bagan Serai] akan mencadangkan:-

"Bahawa Dewan ini mengkaji serta melaksanakan supaya dibuka semula lorong tambah nilai di tol utama dan juga mengurangkan kadar bayaran komisyen touch & go."

(Menteri Kerja Raya)

23. PR-1251-U47371

Tuan Mohsin Fadzli bin Haji Samsuri [Bagan Serai] akan mencadangkan:-

"Bahawa Dewan ini mencadangkan agar diberikan kelonggaran kepada pencarum KWSP yang mengalami muflis dapat mengeluarkan wang caruman mereka bagi menyelesaikan hutang mereka walaupun mereka belum mencapai had umur 55 tahun."

(Menteri Kewangan)

24. PR-1251-U47373

Tuan Mohsin Fadzli bin Haji Samsuri [Bagan Serai] akan mencadangkan:-

" Bahawa Dewan ini mengambil maklum memandangkan kesukaran mendapatkan bantuan untuk memelihara anak, ramai wanita berkerjaya telah mengambil keputusan untuk menjadi suri rumah tangga sepenuh masa.

Maka dicadangkan supaya suatu bentuk insentif yang boleh pihak kerajaan lakukan sebagai mengenang jasa mereka. Sebagai contoh, pengurangan cukai yang lebih banyak untuk keluarga berkenaan, pengangkutan awam percuma atau pun mungkin rawatan hospital percuma."

(Menteri Pembangunan Wanita, Keluarga dan Masyarakat)

25. PR-1251-U47374

Tuan Mohsin Fadzli bin Haji Samsuri [Bagan Serai] akan mencadangkan:-

"Bahawa Dewan ini menyedari bagi memastikan setiap rakyat mendapat pembelaan, Kerajaan memperuntukkan jumlah wang yang sangat besar. Namun kita dapat subsidi yang dikeluarkan, turut dinikmati oleh mereka yang tidak sepatutnya seperti mereka yang berpendapatan tinggi dan para pekerja asing dalam negara. Maka dengan ini adalah dicadangkan supaya satu mekanisma yang sama untuk minyak diguna pakai utk pembelian beras dan gula. Ini kerana jika dapat dilakukan, penjimatan yang diperolehi dari subsidi ini boleh digunakan utk membantu yang lain seperti mengadakan insentif yang lebih baik untuk suri rumah tangga, para pesara dan kanak-kanak sekolah."

(Menteri Kewangan)

26. PR-1251-U47291

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mengutuk tindakan YB Ketua Pembangkang yang juga Ahli Parlimen Permatang Pauh yang membuat kenyataan "menyokong sebarang usaha melindungi keselamatan rejim Israel" yang disiarkan oleh media Wall Street Journal baru-baru ini yang mana kenyataan itu jelas bercanggah dengan pendirian hampir kesemua gerakan Islam; merupakan satu pengkhianatan kepada Islam dan nilai kemanusiaan sejagat; dan mengkhianati perjuangan, kebajikan, kepentingan dan keselamatan rakyat dan negara Palestin dan bercanggah dengan pendirian Kerajaan dan rakyat Malaysia selama ini yang bukan sahaja tidak mengiktiraf rejim zionis Israel, malah tidak mengadakan sebarang hubungan diplomatik dengan rejim Israel dan melarang secara rasmi mana-mana warganegara Malaysia daripada memasuki negara rejim Israel ini."

(Menteri Luar Negeri)

27. PR-1251-U47292

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan agar Kerajaan mengambil langkah supaya Jadual 9 Senarai 2 (1) Perlembagaan Persekutuan dipinda dengan membuang perkataan seperti berikut:- "tetapi tidak mempunyai bidangkuasa mengenai kesalahan-kesalahan kecuali setakat yang diberi oleh undang-undang persekutuan" dan diganti dengan perkataan berikut; "dan mempunyai bidangkuasa mengenai apa-apa jua kesalahan jenayah syarie dan lain-lain yang ditetapkan atau diperuntukkan didalam dan menurut hukum syara' dan undang-undang Islam (termasuk hudud, qisas dan ta'zir) termasuk membicarakan, memutuskan dan menghukum mana-mana orang Islam yang berkenaan menurut sabitan dan hukuman yang ditetapkan oleh hukum syara' dan undang-undang Islam serta melaksana dan menguatkuasakan apa jua hukuman dan/ atau perintah yang dikeluarkannya. Dan proviso kepada Seksyen 2, Akta Mahkamah Syariah (Bidangkuasa Jenayah) 1965 (Akta 355) hendaklah dipinda bersesuaian dengan pindaan kepada Jadual 9 Senarai 2 (1) Perlembagaan Persekutuan seperti yang dinyatakan diatas dan hendaklah berbunyi seperti berikut:Mahkamah Syariah tersebut hendaklah mempunyai bidangkuasa mengenai apa-apa jua kesalahan jenayah syarie dan lain-lain yang ditetapkan atau diperuntukkan didalam dan menurut hukum syara' dan undang-undang Islam (termasuk hudud, qisas dan ta'zir) termasuk membicarakan, memutuskan dan menghukum mana-mana orang Islam yang berkenaan menurut sabitan dan hukuman yang ditetapkan oleh hukum syara' dan undang-undang Islam serta melaksana dan menguatkuasakan apa jua hukuman dan/ atau perintah yang dikeluarkannya.Bahawa Dewan ini mengambil maklum umat Islam wajib melaksanakan syariat Islam termasuk undang-undang jenayahnya seperti hudud, qisas dan ta'zir tanpa sebarang pengubahsuaian dan pindaan seperti yang berlaku sekarang dan Dewan mengambil maklum bahawa kegagalan melaksanakan sistem perundangan Islam sepenuhnya ini akan boleh membatalkan aqidah umat Islam."

(Perdana Menteri)

28. PR-1251-U47293

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan agar Kerajaan Persekutuan mengambil langkah supaya Artikel 4 Perlembagaan Persekutuan dipinda dengan menambah perkataan seperti berikut (seperti yang dihitamkan): Perlembagaan ini adalah undang-undang utama Persekutuan dan, kecuali undang-undang dan syariat Islam, apa-apa undang-undang yang diluluskan berlawanan dengan Perlembagaan ini dan undang-undang Islam atau hukum syara' hendaklah terbatal setakat ianya berlawanan itu.

"Bahawa Dewan mengambil maklum bahawa banyak keadaan dimana hukum syara' dan syariat Islam telah terbatal dan atau tidak dapat dilaksanakan kerana Artikel 4 Perlembagaan Persekutuan ini yang meletakkan undang-undang negara mengatasi semua undang-undang dan peraturan lain termasuk undang-undang serta syariat Islam seperti pengharaman pemakaian serban di sekolah-sekolah kebangsaan, pemakaian purdah dan jilbab di jabatan-jabatan kerajaan, perlaksanaan undang-undang syarak seperti khalwat, zina, qazaf yang bercanggah dengan hukum syara' dan lain-lain."

(Perdana Menteri)

29. PR-1251-U47294

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan agar Kerajaan Persekutuan mengambil langkah segera untuk mengesahkan dan mengisyiharkan bahawa Malaysia bukan negara sekular seperti India sebaliknya sebuah negara yang mengamalkan dwi-sistem (sistem perundangan hybrid) iaitu dengan meminda Artikel 3 Perlembagaan Persekutuan dengan menambah perkataan seperti berikut (seperti yang dihitamkan): Islam adalah agama bagi Persekutuan termasuk dari segi undang-undang dan syariatnya. Bahawa Dewan mengambil maklum bahawa keputusan Mahkamah di dalam kes Che Omar Che Soh v. Pendakwaraya dan Jamaluddin Osman v. Menteri Dalam Negeri telah banyak diputarbelit dan disalahtafsir oleh golongan tertentu untuk memberi gambaran kononnya Malaysia adalah negara sekular sedangkan hakikatnya Malaysia bukanlah negara sekular sebaliknya negara yang meletakkan Islam sebagai agama bagi Persekutuan, maka dengan pindaan kepada Artikel 3 Perlembagaan Persekutuan seperti yang dicadangkan akan memperjelaskan perihal kedudukan status negara ini tanpa sebarang keraguan lagi."

(Perdana Menteri)

30. PR-1251-U47295

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Menteri di Jabatan Perdana Menteri supaya meminda Akta Mahkamah Keadilan 1964 (Courts of Judicature Act 1964) (Akta 91) dengan memasukkan peruntukan baru di Seksyen 4 seperti berikut:- Seksyen 4A: Di dalam keadaan dimana terdapat isu dan/ atau pertikaian membabitkan dan atau melibatkan agama Islam dari segi aqidah, kepercayaan, hukum-hakam, syariat dan/atau apa juga persoalan mengenai Islam, maka Mahkamah wajiblah merujuk isu, persoalan dan/ atau pertikaian itu kepada Mahkamah Syariah untuk suatu keputusan atau penghakiman;

dan semua prosiding hendaklah ditangguhkan sehingga keputusan atau penghakiman Mahkamah Syariah itu dibuat, dan keputusan atau penghakiman Mahkamah Syariah bagi isu, persoalan dan/ atau pertikaian itu hendaklah mengikut Mahkamah tersebut. Bahawa Dewan menginsafi masalah membabitkan isu, pertikaian atau persoalan mengenai Islam jika diputuskan di Mahkamah sekular berdasarkan undang-undang sivil boleh mencetuskan salah faham dan kekeliruan. Ini berlaku kerana isu dan persoalan membabitkan kefahaman terhadap undang-undang dan syariat Islam dalam konteks syariah dan Islam tidak difahami, dihayati dan diinsafi oleh Mahkamah sekular yang membicara dan memutuskan sesuatu isu tersebut menurut peruntukan undang-undang sivil yang terbatas dan terhad kepada pembicaraan soal perundangan sekular semata-mata, malahan menolak untuk menerima pakai kefahaman syarie dan Islam. Sebenarnya inilah yang telah berlaku di dalam kes Maria Hertogh @ Natrah pada tahun 1950 apabila Mahkamah sivil Singapura yang menggunakan pakai undang-undang sivil British menolak untuk menerima pakai undang-undang Islam dan syariatnya dengan menolak aqidah dan keislaman Natrah dan perkahwinan Natrah dengan Almarhum Mansor Adabi yang mana menurut undang-undang Islam dan hukum syara' keislaman dan perkahwinan Natrah adalah sah kerana beliau sudah aqil baligh mengikut hukum syarak dan merupakan seorang mukallaf dan hukum taklif berlaku kepada beliau. Begitu juga di dalam beberapa kes dimana Islam melihat sesuatu isu itu dari segi aqidah, tetapi Mahkamah sekular melihatnya dari sudut istilah dan perundangan sivil. Sekiranya peruntukan seperti yang dicadangkan di atas wujud, maka Dewan menginsafi bahawa isu ini akan dapat diselesaikan dengan baik menurut peruntukan undang-undang yang terpakai bagi isu tersebut."

(Perdana Menteri)

31. PR-1251-U47296
Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan agar Kerajaan Persekutuan mengambil langkah supaya Artikel 11 (1) Perlembagaan Persekutuan dipinda dengan menambah perkataan seperti berikut (seperti yang dihitamkan): Tiap-tiap orang adalah berhak menganuti dan mengamalkan ugamanya, termasuk menukar agamanya kecuali bagi penganut agama Islam yang hendaklah tertakluk kepada undang-undang dan syariat Islam. Bagi maksud penganut agama Islam, soal kemasukan dan kemurtadan dari agama Islam hendaklah ditentukan oleh Mahkamah Syariah yang mempunyai bidang kuasa mutlak keatasnya.

Bahawa Dewan ini mengambil maklum bahawa walaupun Mahkamah Persekutuan di dalam beberapa kes termasuk Azlina Jailani @ Lina Joy v. Majlis Agama Islam Wilayah Persekutuan dan Jabatan Pendaftaran Negara memutuskan bahawa dalam hal ehwal dan permasalahan kemasukan atau kemurtadan daripada Islam hanya Mahkamah Syariah mempunyai bidang kuasa dan Mahkamah sekular tidak boleh mempunyai apa-apa bidangkuasa menurut Artikel 121 (1A), namun masih lagi ada pihak yang mempertikaikan dan membawa kes seumpama ini ke Mahkamah sekular dimana dalam kes melibatkan seorang Punjabi Muslim mayatnya terlantar di Hospital Sg. Buloh, Selangor selama sebulan kerana Mahkamah Sivil masih mahu mendengar kes-kes seumpama ini, sedangkan merupakan fardhu kifayah ke atas umat Islam untuk menyegerakan pengurusan dan pengkebumian jenazah mana-mana orang Islam yang telah meninggal dunia. Dengan adanya peruntukkan seumpama di atas maka isu seperti ini tidak akan berbangkit lagi."

(Perdana Menteri)

32. PR-1251-U47297

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini membuat ketetapan mendesak supaya Mahkamah sekular yang diwujudkan menurut Artikel 121 Perlembagaan Persekutuan menghormati dan tidak mencampuri hak dan bidang kuasa Mahkamah Syariah yang diperuntukkan menurut Artikel 121 (1A) Perlembagaan termasuk hak dan bidangkuasa mutlak menentukan siapa yang boleh diterima masuk dan didaftarkan sebagai seorang Peguam Syarie. Ini adalah kerana kalau Mahkamah sekular tersebut mencampuri urusan hak dan bidangkuasa Mahkamah Syariah dalam penentuan kemasukan dan pendaftaran peguam syarie, apakah itu bermakna Mahkamah Syariah boleh mencampuri urusan hak dan bidangkuasa Mahkamah sekular untuk penentuan kemasukan dan pendaftaran seseorang peguam sekular di Mahkamah sekular."

(Perdana Menteri)

33. PR-1251-U47298

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini membuat ketetapan mencadangkan supaya undang-undang yang berkaitan dipinda untuk memberi pilihan dan opsyen kepada mana-mana individu beragama Islam yang dikenakan sebarang pertuduhan jenayah untuk memilih forum perbicaraan di Mahkamah Syariah yang berbidangkuasa berdasarkan peruntukan undang-undang yang ada dimana-mana Akta atau Enakmen Syariah seperti pertuduhan liwat dan lain-lain. Ini adalah kerana seorang Muslim berhak untuk dibicarakan menurut undang-undang Islam demi menjaga aqidah dan syariat seseorang Muslim itu."

(Perdana Menteri)

34. PR-1251-U47299

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini membuat ketetapan mencadangkan kepada YAB Perdana Menteri dan Kerajaan Malaysia supaya memberikan anugerah Tokoh Maal Hijrah 1434 (Peringkat Antarabangsa) ataupun Tokoh Perdana Maulidur Rasul 1434 (Peringkat Antarabangsa) kepada saudara Yusuf Islam @ Cat Steven bagi mengenang jasa saudara Yusuf Islam yang telah memberi sumbangan besar kepada usaha menyebarkan risalah Islam dan kerja-kerja dakwah ke seluruh dunia."

(Perdana Menteri)

35. PR-1251-U47300

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini membuat ketetapan mencadangkan kepada YAB Perdana Menteri dan Kerajaan Malaysia supaya memberikan anugerah darjah kebesaran yang membawa gelaran "TUN" secara "post-humous" (dengan izin) kepada Allahyarham Sahibul Fadhilah Sheikh Muhammad Idris Al Marbawi dan Allahyarham Sahibul Fadhilah Sheikh Abdullah Bin Basmeih dan menubuhkan kerusi khas atas nama mereka dimana-mana Universiti terpilih bagi mengenang jasa mereka yang besar kepada usaha memartabatkan dan memajukan pengembangan dakwah dan ilmu Islam melalui karya-karya besar mereka dan lain-lain usaha yang telah mereka lakukan."

(Perdana Menteri)

36. PR-1251-U47301

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini membuat ketetapan mencadangkan kepada YAB Perdana Menteri dan Kerajaan Malaysia supaya memberikan anugerah darjah kebesaran yang membawa gelaran Tan Sri secara "post-humous" (dengan izin) kepada Allahyarham Sasterawan Negara Usman Awang bagi mengenang jasa beliau yang besar kepada usaha memartabatkan dan memajukan bahasa Melayu melalui karya-karya besarnya dan lain-lain usaha yang telah Allahyarham lakukan."

(Perdana Menteri)

37. PR-1251-U47302

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini membuat ketetapan mencadangkan kepada YAB Perdana Menteri, YAB Menteri-Menteri Besar dan Kerajaan Persekutuan serta Kerajaan Negeri supaya melakukan semakan semula senarai penerima anugerah kebesaran persekutuan atau negeri dengan tujuan untuk dilakukan pembersihan termasuk menarik balik dan/ atau membatalkan anugerah dan gelaran yang diberi kepada mereka yang telah dan/ atau pernah disabitkan dengan sebarang kesalahan jenayah dan yang didaftarkan di Pusat Pendaftaran Penjenayah (*Criminal Registration Center*)."

(Perdana Menteri)

38. PR-1251-U47303

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini membuat ketetapan mencadangkan supaya satu kajian dibuat dengan tujuan menggubal undang-undang yang bersesuaian untuk memansuhkan keperluan mengadakan pilihan raya kecil bagi kerusi yang kosong atau dikosongkan oleh mana-mana wakil rakyat sama ada di peringkat Parlimen ataupun Dewan Undangan Negeri termasuk kemungkinan memberikan kerusi yang kosong atau dikosongkan itu kepada parti yang telah memenanginya semasa pilihan raya umum untuk menentukan calon yang mengganti dan/ atau mengisi kekosongan tersebut. Ini sekaligus dapat mengelakkan keperluan mengadakan pilihan raya kecil yang melibatkan kos yang tinggi dan menyebabkan masyarakat Malaysia terlibat dengan kegiatan politik tanpa kesudahan."

(Perdana Menteri)

39. PR-1251-U47304

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Kerajaan Persekutuan dengan kerjasama semua Kerajaan Negeri supaya melantik seorang Mufti Negara sebagai Ketua bagi dan dengan kuasa dan autoriti mengatasi kesemua Mufti-Mufti dan menjadi Pengerusi bagi Majlis Fatwa Kebangsaan dengan tanggungjawab dan menjawab hanya kepada Yang DiPertuan Agong dan Majlis Raja-Raja.

Selanjutnya Dewan ini megambil ketetapan mendesak Kerajaan supaya memberi kuasa dan bidangkuasa jelas kepada Majlis Fatwa Kebangsaan untuk menguatkuasa dan melaksanakan fatwa-fatwa yang dikeluarkannya dan mana-mana orang yang mempersoalkan dan/ atau mempertikaikan Fatwa-fatwa tersebut hendaklah dianggap melakukan penghinaan terhadap agama Islam dan diambil tindakan tegas menurut Seksyen 298A Kanun Keseksaan atau di bawah mana-mana undang-undang (Persekutuan atau Negeri)."

(Perdana Menteri)

40. PR-1251-U47305

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil langkah mengiktiraf Palestin sebagai sebuah negara yang berdaulat dan merdeka mengikut persempadanan sebelum tahun 1967 dan menubuhkan sebuah jawatankuasa caucus khusus untuk menangani dan memantau dan mengambil langkah-langkah berkaitan dengan masalah Palestin dan menamakan badan ini sebagai "Jawatankuasa Caucus bagi Palestin" dengan melantik YB Kepala Batas (atau mana-mana Ahli Parlimen yang dipertimbangkan sesuai) sebagai Penggerusi Caucus tersebut dan selanjutnya Dewan ini mendesak Kerajaan Mesir supaya membuka semula pintu Rafah dan memberi kebebasan keluar/ masuk kepada rakyat Palestin dan tidak menghalang sebarang usaha-usaha bantuan kemanusiaan oleh mana-mana pihak; dan juga mendesak rejim zionis Israel supaya segera mengembalikan hak rakyat Palestin dan mengiktiraf Negara Islam Palestin sebagai negara yang merdeka dan berdaulat dan Baitulmaqdis sebagai ibu negeri Negara Islam Palestin."

(Menteri Luar Negeri)

41. PR-1251-U47306

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil langkah untuk menubuhkan sebuah Jawatankuasa Khas Kabinet dengan segera khusus untuk menangani dan memantau dan mengambil langkah-langkah bersepadau dan berkesan berkaitan dengan hal ehwal masyarakat India dan pengikut agama Hindu dengan tujuan untuk memantapkan kedudukan ekonomi mereka dan hal masalah peribadatan mereka termasuk penyelenggaraan dan pengurusan kuil-kuil mereka dan menyelesaikan permasalahan kewarganegaraan dan kad pengenalan mereka dan dinamakan sebagai Jawatankuasa Khas Kabinet bagi Hal Ehwal Masyarakat India dengan melantik Timbalan Perdana Menteri sebagai Penggerusi Jawatankuasa Khas tersebut."

(Perdana Menteri)

42. PR-1251-U47307

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Kementerian Pelajaran supaya dengan serta-merta menubuhkan sebuah Majlis Buku Negara dengan peruntukan yang mencukupi dan segera menggubal Dasar Buku Negara dan Akta Buku serta mengambil semua langkah yang munasabah dan praktikal untuk membantu, menggalakkan, membangunkan dan memajukan industri buku negara. Selanjutnya Dewan juga membuat ketetapan supaya Dasar Buku Negara seperti yang telah dimaktubkan segera dilaksanakan sepenuhnya dan mencapai matlamat yang disasarkan dalam Dasar Buku Negara tersebut."

(Menteri Pelajaran)

43. PR-1251-U47308

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Kerajaan Persekutuan supaya mengambil langkah menyiaran dan mewajibkan siaran azan pada tiap-tiap waktu solat fardu yang lima di kesemua tempat awam tanpa sebarang sekatan dan/atau halangan. Ini adalah kerana sebagai sebuah negara yang meletakkan Islam sebagai agama Persekutuan seperti yang dimaktubkan oleh Artikel 3 Perlembagaan Persekutuan, maka adalah penting untuk syiar Islam dimartabatkan."

(Perdana Menteri)

44. PR-1251-U47309

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Menteri Hal Ehwal Dalam Negeri mengambil langkah supaya kesemua banduan dan tahanan yang disabit dan dikenakan hukuman penjara sepanjang hayat hendaklah dikurangkan hukuman penjara tidak melebihi 20 (dua puluh tahun) dan bagi yang telah menjalani hukuman melebihi jumlah 20 tahun tersebut (setelah ditolak cuti dan kelakuan baik) hendaklah dibebaskan dengan serta-merta."

(Menteri Dalam Negeri)

45. PR-1251-U47310

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil langkah mendesak Menteri Pengangkutan supaya mengarahkan dan/ atau mengenakan syarat kepada syarikat penerbangan Malaysia Airlines , AirAsia atau mana-mana syarikat penerbangan dalam negeri ini supaya membenarkan kakitangan wanitanya terutama pramugari yang beragama Islam membuat pilihan untuk memakai pakaian-pakaian seragam yang mematuhi hukum syarak termasuk untuk memakai tudung dan pakaian menutup aurat dan boleh memilih untuk tidak menyediakan dan atau menghidangkan arak semasa dalam penerbangan."

(Menteri Pengangkutan)

46. PR-1251-U47311

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Menteri Pengangkutan melarang dan/ atau mengenakan syarat kepada syarikat Penerbangan Malaysia supaya menghentikan penjualan arak dan lain-lain minuman keras dan yang memabukkan semasa di dalam penerbangan."

(Menteri Pengangkutan)

47. PR-1251-U47312

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Menteri Perdagangan Dalam Negeri, Koperasi dan Kepenggunaan hanya membenarkan penjualan arak, minuman keras dan yang memabukkan dalam apa bentuk sekalipun hanya dipremis-premis khas yang dilesenkan dan hanya khusus untuk masyarakat bukan Islam sahaja; sebagaimana premis khas untuk penjualan nombor ekor, tempat perjudian dan daging babi dan lain-lain; dan tidak melesenkan kedai-kedai runcit atau serbaneka daripada menjual arak dan/ atau apa-apa minuman keras dan yang memabukkan dipremisnya. Dewan ini mengambil maklum banyak kes terjadi dimana remaja dan belia beragama Islam yang menyalahgunakan penjualan arak dan minuman beralkohol serta kemudahan kondom di kedai-kedai serbaneka ini untuk kegiatan tidak berakhhlak dan bermoral, yang akhirnya membawa kepada timbulnya gejala sosial yang serius seperti kegiatan merempit yang melampau, perzinaan, perogolan dan kesalahan seksual dan kes pembuangan bayi."

(Menteri Perdagangan Dalam Negeri, Koperasi dan Kepenggunaan)

48. PR-1251-U47313

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Perdana Menteri supaya dengan segera mewujudkan Kementerian Hal Ehwal Sabah & Sarawak (atau singkatannya "KHASS") dengan seorang Menteri berjawatan penuh untuk menjaga hal ehwal pembangunan, infrastruktur, kebajikan dan kepentingan rakyat Sabah & Sarawak termasuk memberi portfolio berkaitan Koridor Ekonomi Sabah/Sarawak, dan kesemua agensi pembangunan Persekutuan mestilah melalui Kementerian ini supaya segala projek pembangunan & infrastruktur di Sabah dan Sarawak dapat diselaraskan dan dikawal selia serta dipantau dengan lebih berkesan."

(Perdana Menteri)

49. PR-1251-U47314

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mencadangkan kepada Menteri di Jabatan Perdana Menteri supaya mengkaji dan melaksanakan projek membesar dan membaikpulih Masjid Jamek Bandaraya Kuala Lumpur termasuk membina mihrab dan mimbar baru yang bersesuaian, menurap keseluruhan tapak Masjid tersebut dengan marmar sebagaimana yang dibuat di Masjidil Haram dan Masjid Nabawi serta memperkuuhkan bumbung Masjid tersebut agar dapat menampung jemaah untuk mengerjakan solat terutamanya solat Jumaat dan kedua Eidulfitri & Eiduladha memandangkan pertambahan jemaah yang semakin meningkat mutakhir ini."

(Perdana Menteri)

50. PR-1251-U47315

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Kementerian Dalam Negeri dan Kementerian Sumber Manusia supaya mengeluarkan larangan terhadap mana-mana pembantu rumah asing yang beragama Islam daripada bekerja dengan mana-mana majikan yang bukan beragama Islam. Ini adalah kerana terdapat banyak aduan pembantu-pembantu rumah asing yang beragama Islam yang dipaksa memakai pakaian bercanggah dengan Islam seperti berseluar pendek, memakan makanan dan minuman yang haram seperti babi dan arak, serta dipaksa memandikan dan membela anjing dan tinggal dipersekitaran dan suasana yang jelas bercanggah dan/ atau tidak bersesuaian dengan seorang Muslim."

(Menteri Sumber Manusia)

51. PR-1251-U47316

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini ini mengambil ketetapan mencadangkan kepada Kementerian Kewangan supaya memberikan pencarum KWSP yang beragama Islam mengeluarkan simpanan mereka bagi tujuan mengerjakan ibadah haji bagi diri mereka dan keluarga terdekat sekurang-kurangnya sekali dalam seumur hidup mereka walaupun belum mencapai umur persaraan 55 tahun; Selanjutnya Dewan juga mengambil ketetapan mendesak Kementerian Kewangan supaya segera mengambil langkah memansuhkan Seksyen 167 Akta Insurans dan Peraturan 6 Peraturan KWSP 2001 yang banyak menimbulkan masalah dan disalahgunakan oleh penama yang dinamakan sebagai benefisiari kerana banyak kes dimana penama apabila menerima wang caruman daripada KWSP telah tidak membahagikan wang tersebut menurut syara' dan hukum faraid; atau sebagai alternatif mengenakan syarat kepada pengurusan KWSP supaya wang caruman simati tidak dibayar kepada penama kecuali mereka telah mengemukakan sijil faraid daripada Mahkamah Syariah dan pembayaran dibuat oleh KWSP terus kepada waris-waris yang dinamakan di dalam sijil faraid yang dikeluarkan oleh Mahkamah Syariah yang berbidangkuasa tersebut."

(Menteri Kewangan)

52. PR-1251-U47317

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mendesak Kementerian Pertahanan supaya mewujudkan kem-kem Program Latihan Khidmat Negara (PLKN) yang mengambil hanya pelatih wanita sahaja sebagai pilihan bagi mereka dan ibu-bapa yang mahukan anak perempuan mereka diasingkan kerana terlalu banyak aduan pelatih-pelatih wanita yang melalui pengalaman diganggu oleh sama ada pelatih atau petugas lelaki sehingga ada yang ke peringkat mencabul, mendera dan merogol; ramai ibu-bapa yang mengadu anak perempuan mereka yang apabila kembali daripada PLKN berubah menjadi terlalu terbuka dalam pergaulan dan perhubungan dengan lelaki walaupun sebelum ke PLKN anak-anak mereka sangatlah bersopan dan menjaga akhlak dan batasan pergaulan dengan lelaki; Selanjutnya Dewan mengambil ketetapan mendesak Kementerian Pertahanan supaya menerapkan dalam silibus latihan kepada pelatih-pelatih beragama Islam modul nilai Islam seperti mewajibkan solat jemaah pada tiap waktu solat fardu, qiamullail dan tahajjud, dan melatih mereka supaya mengimarahkan masjid dengan selalu mengadakan program qiamullail dimana-mana masjid berhampiran kem PLKN,

yang mana ini akan bukan sahaja menjalinkan ukhwah dan persaudaraan dengan masyarakat sekeliling, ianya juga akan memperkuuh dan memperkuatkan aspek spiritual dan kerohanian pelatih-pelatih PLKN."

(Menteri Pertahanan)

53. PR-1251-U47318

Dato' Zulkifli bin Noordin [Kulim Bandar Baru] akan mencadangkan:-

"Bahawa Dewan ini mengambil ketetapan mencadangkan kepada Kementerian Dalam Negeri, dengan kerjasama Jabatan Perdana Menteri (Bahagian Hal Ehwal Islam) supaya mengkaji kepada keperluan mewujudkan sebuah pusat tahanan, penjara dan/ atau tempat perlaksanaan hukuman bagi mereka yang disabit dan dijatuhkan hukuman oleh mana-mana Mahkamah Syariah yang berbidangkuasa memandangkan tiadanya pusat tahanan, penjara dan/ atau tempat perlaksanaan hukuman bagi pesalah-pesalah syarie seperti yang kita persaksikan dalam kes Kartika Sari Dewi Syukarno. Dewan mengambil perhatian bahawa perlaksanaan hukuman bagi pesalah syarie adalah sangat berbeza dari tujuan, matlamat dan bentuk hukuman bagi pesalah syarie berbanding dengan pesalah di Mahkamah Sivil."

(Menteri Dalam Negeri)

54. PR-1251-U48773

Tuan John A/L Fernandez [Seremban] akan mencadangkan:-

"Bahawa Dewan ini dapat membahaskan agar undang-undang digubal untuk mewajibkan kesemua calon tidak kira dari pihak Kerajaan atau pihak pembangkang yang bakal bertanding pada pilihan raya umum yang ke 13 akan datang untuk mengisytiharkan harta mereka kepada umum sebelum hari penamaan calon."

(Perdana Menteri)

55. PR-1251-U48776

Tuan John A/L Fernandez [Seremban] akan mencadangkan:-

"Bahawa Dewan ini dapat membincangkan agar Kerajaan menubuhkan satu tabung untuk pendidikan yang memberi pinjaman kepada pelajar-pelajar di mana pendapatan ibu bapa mereka kurang daripada RM 3000 seisi rumah tanpa dikenakan faedah dan mereka hanya perlu memulangkan jumlah yang dipinjam sahaja."

(Menteri Pelajaran)

56. PR-1251-U48778

Tuan John A/L Fernandez [Seremban] akan mencadangkan:-

"Bahawa Dewan ini dapat mengambil keputusan untuk mengadakan satu bentuk kawalan harga rumah yang semakin lama semakin melambung terlalu tinggi dan menyukarkan rakyat untuk memiliki rumah sendiri."

(Menteri Perumahan dan Kerajaan Tempatan)

57. PR-1251-U48779

Tuan John A/L Fernandez [Seremban] akan mencadangkan:-

"Bahawa Dewan ini dapat mencadangkan supaya setiap Majlis Perbandaran atau pihak yang relevan untuk memantau masalah pengaliran dan saliran di setiap bandar untuk mengelakkan masalah banjir yang kerap berlaku di kebanyakan bandar-bandar akibat hujan lebat dan ini menyebabkan kerosakan harta benda dan kerugian yang amat tinggi."

(Menteri Sumber Asli dan Alam Sekitar)

58. PR-1251-U48782

Tuan John A/L Fernandez [Seremban] akan mencadangkan:-

"Bahawa Dewan ini dapat mengambil keputusan supaya satu undang-undang dapat digubal untuk memastikan sesiapa yang menukar agama wajib memberitahu keluarga mereka mengenai pertukaran agama mereka untuk mengelakkan masalah perebutan jenazah apabila mereka yang menukar agama meninggal dunia."

(Perdana Menteri)

59. PR-1251-U48784

Tuan John A/L Fernandez [Seremban] akan mencadangkan:-

"Bahawa Dewan ini dapat mencadangkan supaya Kerajaan Negeri yang mengeluarkan minyak mentah dinaikkan kadar royalti mereka kepada 20%."

(Perdana Menteri)

60. PR-1251-U48800

Tuan John A/L Fernandez [Seremban] akan mencadangkan:-

"Bahawa Dewan ini mengambil keputusan untuk meminta Kerajaan Malaysia untuk membina lebih banyak lagi sekolah cina dan sekolah tamil yang baru yang lengkap dengan sistem pembelajaran berdasarkan internet, manakala sekolah-sekolah yang sedia ada dilengkapi dengan sistem pembelajaran berdasarkan internet."

(Menteri Pelajaran)

61. PR-1251-U48805

Tuan John A/L Fernandez [Seremban] akan mencadangkan:-

"Bahawa Dewan ini dapat membincangkan mengenai kos kehadiran di Mahkamah Rendah bagi Peguam yang kini ditetapkan pada kadar RM 25 dinaikkan kepada RM 50."

(Perdana Menteri)

62. PR-1251-U48816

Tuan John A/L Fernandez [Seremban] akan mencadangkan:-

"Bahawa Dewan ini membahaskan setakat mana berkesannya peranan yang dimainkan oleh Institut Integriti Malaysia dalam membasmi masalah sosial di kalangan pihak Belia dan remaja seperti penagihan dadah, Mat Rempit dan lumba haram, gangsterisme dan kongsi gelap, pencabulan kehormatan dan gangguan seksual di tempat kerja (sexual harassment), penggunaan bahasa-bahasa luah dan tidak sopan, kurangnya rasa hormat kepada ibu bapa, guru dan orang tua dan sebagainya."

(Perdana Menteri)

63. PR-1251-U48822

Tuan John A/L Fernandez [Seremban] akan mencadangkan:-

"Bahawa Dewan ini mencadangkan supaya Kerajaan membuat keputusan untuk mengurangkan kehadiran pekerja asing di negara ini. Kehadiran mereka kini adalah tidak terkawal menyebabkan peluang pekerjaan warga tempatan tergugat dan masalah sosial dan jenayah disebabkan oleh warga asing meningkat."

(Menteri Dalam Negeri)

64. PR-1251-U47810

Tuan Liew Chin Tong [Bukit Bendera] akan mencadangkan:-

"Bahawa Dewan ini menyokong cadangan menetapkan sebarang pembelian aset atau sistem pertahanan yang melebihi 100 juta oleh MINDEF, mesti dibawa ke Parlimen dibahas dan diaudit oleh Jabatan Audit Negara supaya untuk syarat meneruskan pembelian ini. Ini juga bertujuan untuk mempertingkatkan integriti dan keberkesanan pembelian sistem pertahanan. Ini adalah diakibatkan oleh pembelian Jet Sukhoi dan Kapal Selam Scorpene telah menimbulkan banyak persepsi negatif terhadap negara."

(Menteri Pertahanan)

65. PR-1251-U48724

Tuan Gwo-Burne Loh [Kelana Jaya] akan mencadangkan:-

"Bahawa Dewan ini mengambil maklum bahawa Kerajaan Malaysia sebagai anggota Majlis Hak Asasi Manusia Bangsa-Bangsa Bersatu dalam menguatuksa Resolusi 62/149 Bangsa-Bangsa Bersatu mengenai Moratorium terhadap Hukuman mati yang telah dikuatkuasakan oleh Perhimpunan Agong Bangsa-Bangsa Bersatu pada 18 Disember 2007 dimana negara-negara yang masih mengamal hukuman mati diminta untuk menghentikan penggunaan hukuman mati dan mengurangkan jumlah hukuman-hukuman yang membawa hukuman mati secara berperingkat dan melaksanakan moratorium terhadap kesemua hukuman-hukuman mati dengan hasrat untuk menghapuskan hukuman ini sama sekali. Maka dengan ini Dewan hendaklah mengambil ketetapan untuk meminta Kerajaan melalui Kementerian Luar untuk membantu mematuhi moratorium tersebut dan meminda undang-undang yang bercanggah dengan moratorium tersebut."

(Menteri Luar Negeri)

66. PR-1251-U48728

Tuan Gwo-Burne Loh [Kelana Jaya] akan mencadangkan:-

"Bahawa Dewan ini menubuhkan sebuah Suruhanjaya DiRaja Siasatan Kes Kematian Tujuh Warga Pekerja Asing pada hujung Mei 2009 akibat kerja perobohan Jaya Supermarket, Petaling Jaya. Daripada siasatan yang dijalankan, kerja perobohan tersebut tidak mendapat kelulusan Jabatan Keselamatan dan Kesihatan Pekerjaan (DOSH)."

(Perdana Menteri)

67. PR-1251-U48730

Tuan Gwo-Burne Loh [Kelana Jaya] akan mencadangkan:-

"Bahawa Dewan ini mendesak Suruhanjaya Intergriti Penguatkuasaan (SIAP) menjalankan siasatan ke atas Adik Aminulrasyid yang ditembak mati oleh anggota polis. Dewan juga mendesak mengenai perlantikan panel khas di dalam siasatan kes ini. Polis didakwa menyalahgunakan senjata api sehingga menyebabkan Aminulrasyid terbunuh oleh polis. Daripada siasatan dan perbincangan yang dijalankan, banyak pihak tidak berpuas hati dengan perjalanannya dan diharap agar suruhanjaya ini mampu untuk menjawab pelbagai spekulasi."

(Perdana Menteri)

68. PR-1251-U47677

Datuk Chua Soon Bui [Tawau] akan mencadangkan:-

"Bahawa Dewan yang mulia ini membincang sebab-sebabnya mengapa Kementerian serta MCMC belum lagi berusaha atau mengambil sebarang tindakan drastik untuk menyelesaikan masalah gangguan perkhidmatan Internet yang terlalu lama tertunggak di Sabah terutama sekali di Tawau. Memandangkan pembekal-pembekal perkhidmatan Internet yang bermonopoli telah gagal memberi perkhidmatan berterusan dan memuaskan di Sabah selama banyak tahun ini, Kementerian seharusnya bertanggungjawab kepada rakyat dan membenarkan lebih ramai pembekal perkhidmatan Internet meningkat dan menambahbaik perkhidmatan Internet di Sabah."

(Menteri Penerangan, Komunikasi dan Kebudayaan)

69. PR-1251-U47687

Datuk Chua Soon Bui [Tawau] akan mencadangkan:-

"Bahawa Dewan yang mulia ini membincangkan masalah terlalu lama tertunggak iaitu kegagalan Kementerian dalam menyediakan guru-guru Cina dan yang fasih dalam bahasa Cina untuk mengajar di SJK(C) di Malaysia terutama sekali di Sabah sedangkan ianya satu-satunya obligasi dan tanggungjawab Kementerian dan Kerajaan. Apakah tindakan-tindakan yang akan diambil Kementerian untuk mengatasi masalah di atas agar tidak menyingkirkan pendidikan bantuan Kerajaan yang seterusnya akan menjaskan mutu dan pembangunan pendidikan SJK(C) di Malaysia."

(Menteri Pelajaran)

70. PR-1251-U47697

Datuk Chua Soon Bui [Tawau] akan mencadangkan:-

"Bahawa Dewan yang mulia ini mengambil ketetapan mendesak supaya Kerajaan mengambil tindakan tegas untuk melindungi kepentingan Hak Adat Natif (NCR) dan Hak Tanah Adat Natif di Sabah, memandangkan lebih daripada 800 aduan telah diserah kepada SUHAKAM berhubung pengusiran dari tanah adat dan tanah-tanah itu diberi kepada syarikat-syarikat besar, walaupun ramai orang natif telah menunjukkan bukti yang mencukupi terhadap pemilikan tanah mereka itu di bawah Hak Tanah Adat Natif."

(Menteri Sumber Asli dan Alam Sekitar)

71. PR-1251-U47710

Datuk Chua Soon Bui [Tawau] akan mencadangkan:-

"Bahawa Dewan yang mulia ini membincangkan pelan tindakan dan jangka masa penubuhan sebuah Suruhanjaya Penyiasatan DiRaja (RCI) berhubung pendatang-pendatang tanpa izin di Sabah, yang seharusnya meliputi wakil-wakil orang awam, serta mengumumkan kesan-kesan negatif dan ancaman kepada rakyat Sabah sebelum pilihan raya umum yang ke-13."

(Menteri Sumber Asli dan Alam Sekitar)

72. PR-1251-U47712

Datuk Chua Soon Bui [Tawau] akan mencadangkan:-

"Bahawa Dewan yang mulia ini membincang cadangan untuk menubuhkan satu penyiasatan bebas berhubung banyak aduan terhadap banyak kejadian kematian dan kecuaian perubatan di hospital-hospital Kerajaan Sabah, terutama sekali berhubung kelewatan rawatan perubatan bagi seorang budak lelaki yang berumur 7 tahun, seorang lelaki berumur 21 tahun yang tersalah diagnos di Tawau, dan kecuaian dalam pentadbiran ubat kemoterapi di Kota Kinabalu, supaya penyiasatan ini adil saksama dan keputusan penyiasatan ini dapat diumumkan secara terbuka dengan persetujuan keluarga-keluarga yang terlibat."

(Menteri Kesihatan)

73. PR-1251-U47720

Datuk Chua Soon Bui [Tawau] akan mencadangkan:-

"Bahawa Dewan yang mulia ini membincangkan tindakan-tindakan segera yang diambil untuk memastikan bahawa tiada sebarang hospital Kerajaan di Sabah yang menghadapi sebarang gangguan bekalan elektrik atau air memandangkan gangguan-gangguan bekalan elektrik baru-baru ini di Hospital Queen Elizabeth di Kota Kinabalu selama lebih daripada tiga jam berterusan dan sebilangan pesakit kritikal terpaksa dipindahkan ke Hospital Queen Elizabeth Kedua (QEHB)."

(Menteri Kesihatan)

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN 2012</u>	<u>RISALAT/DOKUMEN</u>	<u>TARIKH DIBENTANGKAN</u>
ST.21	Laporan Tahunan dan Penyata Kewangan Pusat Perubatan Universiti Malaya Bagi Tahun 2010	21 Mac 2012